



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Synodvs Avgvstana, In Cavsa Disciplinae Ecclesiasticae anno Domini
DCCCCLII. tempore Agapiti papae II. celebrato.

urn:nbn:de:hbz:466:1-15625

CIRCA
ANNVM
CHRISTI
950.

legii facti, & violati refugii, veniam requisivit apud Patrem episcopum & totam Synodum in ecclesia Mainuon, & redditis rebus ecclesie omnibus, cum satisfactione & lacrymarum effusione, protinus cadens in terram, vt data sibi venia, & iuncta poenitentia, largitus est in eleemosyna Deo & sanctis Dubricio, Teliauo, & Oudoceo, & Patri episcopo, & omnibus episcopis Landavia, villam *Guidcon* cum toto suo territorio, id est cum tribus modis terrae, & cum tota sua libertate, & omni communione in campis & in siluis, in aqua & in pascuis. De clericis testes sui Pater episcopus, Diffaith lector, Dunin sacerdos, &c. De laicis Nougui rex, &c. Quicumque custodierit, &c.



ANNO
CHRISTI
951.

SYNODVS AVGVSTANA,
IN CAUSA DISCIPLINÆ ECCLESIASTICÆ
anno Domini DCCCCLII. tempore Agapiti papæ II.
celebrata.

Graviter
erravit Bi-
nius qui
hanc Syno-
dum sub
Ioanne XII
collocavit,
cum reuera
ad Agapiti
II. tempora
pertineat,
vt patet ex
ara & indi-
ctione in
ipsius pra-
fatione si-
gnatis.

P R Æ F A T I O.

CVM excellentissimus piissimusque Otto rex, superna attractus clementia, non minus de negotio spiritali quam de statu Christiani imperii tractaret, in primis pontificum aliorumque primatum suorum communi consilio fretus, anno incarnationis DCCCCLII. indictione decima, anno vero regni eius XVI. sub die VII. Idus Augusti, placitum Conuentumque synodalem Augustæ fieri decrevit; quatenus concordia diligentia, tam sancti cleri, quam populi ecclesie stabilitatis profectus, & totius Christianitatis vtilitates tractarentur. Cuius diuinæ rei dispositionem per reuerendissimi atque prudentissimi Frithurici, Moguntinæ sedis archiepiscopi industriam maxime gubernari deliberavit. Geroldo etiam * Iuuanensis ecclesie archiepiscopo, Manasse quoque Mediolanensis ecclesie archiepiscopo, Petro Rauennate archiepiscopo, ceterisque Italia, Gallia, Germaniæ subnotatis pontificibus huius discussioni operam exigentibus, Vdalrico Augustensis ecclesie episcopo, Annone Vvangionensis ecclesie episcopo, Starcando Eistetenensis ecclesie episcopo, Conrado

* Salza-
bungen-
sis

Concil. Tom. 25.

M ij

Constantiensis ecclesiæ episcopo, Poppone Viriciburgensis ecclesiæ episcopo, Godefrido Nemetensis ecclesiæ episcopo, Hartberto Curiensis ecclesiæ episcopo, Votone Argentinensis ecclesiæ episcopo, Lantberto Frisingensis ecclesiæ episcopo, Hugone Aritiensis ecclesiæ episcopo, Michaelē Ratisponensis ecclesiæ episcopo, Adalberto Patauensis ecclesiæ episcopo, Ludfrido Picinensis ecclesiæ episcopo, Gisibrando Terdonensis ecclesiæ episcopo, Antonio Brixienensis ecclesiæ episcopo, Vultone Cumaniano episcopo, Deodato Parmensis, Adelardo Regienensis ecclesiæ episcopo, Sigolpho Placentinæ ecclesiæ episcopo, Adalgiso Aquensis ecclesiæ episcopo, cum eorum vnanimis diligentia huic ecclesiastico negotio vigilanter instaret, omnibus ratum putabatur, principem regni beatæ matris ecclesiæ deuotum filium postulare, quatenus ibidem diuina discutientibus interesse dignaretur. Tum die præfinito eo veniens dulcisona modulationum iucunditate, honorifice, vti regiam dignitatem decuerat, ab omnibus acceptus, Missa celebrata finita, satisfaciendo pontificum petitioni, cum insigni priuatim turba Synodum intrauit. Interim reuerendus Moguntinæ sedis archiepiscopus Frithuricus se e solio erigens, humiliter strenueque sermonem regulari studio congruentem protulerat, deinde cuncta, quæ de iure ecclesiastico iuxta canonicam auctoritatem & imitanda sanctorum patrum decreta erant ventilata, pronuntians, in hisce omnibus huic rei necessariis se in commune eius præsidium sentire postulabat. Quibus rex superni amoris igne succensus, & zelo diuini amoris animatus, mentis corporisque nisi ecclesiasticarum rerum auxiliatorem, defensorem promptissimum se esse promittendo certificauit. Hac videlicet promissione audita regali, prælibatus archiepiscopus residens, communi ceterorū assensu, capitula subsequencia titulari præcepit.

CAPITVLA.

I.

SI quis episcoporum, presbyterorum, diaconorum, subdiaconorumque, vxorem accepit, a

sibi iniuncto officio deponendus est, sicut in Concilio Carthaginensi tenetur, cap. 25.

II.

Episcopos, presbyteros, vel aliquem de clero, canes venandi amore vel accipitres habere non licet, sicut in Concilio legitur Toletano cap. 10. Quisquis autem personarum huiusmodi in hac voluptate denudatus fuerit, quamdiu in illa detestabili voluptate detinetur, ab omni ecclesiastico officio cesset.

III.

Episcopus, presbyter, aut diaconus aleæ vacans, si ab hoc interdicto opere cessare noluerit, velut in Canone apostolorum habetur cap. 42. deponendus erit.

IV.

Nullus in clericatus officio manens mulierem subintroductam secum habitare permittat. Si vero aliqua suspicionum maculis aspersa contra hæc agere tentauerit, ab episcopo vel eius misso virgis cæsa detondeatur. Si autem sæcularis potestas fieri prohibuerit, regia potestate femina coacta prælatæ sententiæ subiaceat.

V.

Diuerfa sæcularis vitæ negotia fugientes, & monasticæ institutionis normam aggredientes, extra claustrum sine licentia proprii abbatis ire non licet: sed tantummodo ieiunio & orationi vacare, in locis quibus renuntiauerunt sæculo permanentes, sicut in Concilio Calchedonensi præcipitur.

VI.

Oportet etiam episcopum, in cuius dicecesi cœnobium situm est, monachorum prouidentiam gerere, & si aliquid correctione dignum reperit, corrigere festinet.

VII.

Clericis monachicum habitum sequi cupientibus, & pro remuneratione diuina sæcularibus spre-
tis arctiorem vitam adire volentibus, nullatenus introeundi aditus ab episcopo denegetur, sed potius eum in tali conuersatione perstare exhortari conetur, sicut in Concilio Toletano habetur capitulo 50.

VIII.

Sanctimonialis, quæ spontanea voluntate strictiori vitæ proposito se alligare voluerit, nulla re ob-
stante, id quod bona intentione disposuerat peragendum, ab episcopo impediatur.

IX.

Vt laici presbyteros sine conscientia & consensu proprii episcopi ab ecclesiis eis canonicè commendatis non eiicere præsumant, nec alios locum eorum subire faciant; quia vt ab episcopis ordi-
nantur, ita necesse est ab ipsis ecclesias procurandas accipiant, sicut in Concilio habetur Arelaten-
si cap. 4.

X.

Vt omnis decimatio in potestate episcopi sit, & si neglecta fuerit, quidquid inde emendandum sit, coram episcopo eiusve missio corrigatur.

XI.

Episcopus, presbyter, diaconus, subdiaconus,

ANNO CHRISTI 952
 vt in multis Conciliis firmatum est, quia diuina ministeria contrectant, ab vxoribus abstineant. Ceteri autem clerici, quando ad maturiorem ætatem peruenerint, licet nolentes, ad continentiam cogantur.

CONCILIVM

ANNO CHRISTI 953
 APVD SANCTVM THEODERICVM,
 ADVERSVS RAGENOLDVM COMITEM.

FLODOARDVS *in chronico*. Anno DCCCCLIII. Synodus quinque episcoporum apud sanctum Theodericum in territorio Rhemenſi celebratur, Artaldo archiepiscopo præſidente: ad quam vocatus Ragenoldus comes, ob res ecclesiasticas ab eo peruasas, venire noluit; sed deprecatus est regem, ne excommunicaretur, vt ad Synodum mitteret: cuius excommunicatio, rege petente, tunc intermissa est. *Idem auctor ab Odalrico Artaldi successore anno tandem DCCCCLXVI. excommunicatum docet.* Odelricus, *inquit*, archiepiscopus Ragenoldum comitem excommunicat pro villis ecclesiæ Rhemenſis, quas pertinaciter detinebat: & ipse comes loca quædam eiusdem episcopii cum suis peruadens, rapinis incendiisque deuaſtat.

VITA ET EPISTOLA

ANNO CHRISTI 955
 IOANNIS PAPÆ XII.

IOANNES Alberici illius qui Vrbi dominabatur filius, apostolicam sedem inuasit anno Domini 955. tempore Constantini VIII. imperatoris. Et quamquam huic legitima ætas aliaque omnia deessent quæ in legitimo pontifice requiruntur, tamen accedente postea consensu totius cleri visum est hunc potius esse tolerandum, quam ecclesiam schismate aliquo, quod alioquin exortum fuisset, diuidendam. Cumque vniuersa ecclesia catholica sciret

Ioannes
 qua ætate
 pontifex factus sit.